

Youq Ndawsingz Daiq Duzbit Youzlangh

Raen bouxwnq daiq duzma, duzmeuz bae youzlangh, ndaw uk gou sawqmwh miz aen siengjap geizheih ndeu: Gou daiq duzbit okbae youzlangh caemh mizyinx ba! Siengj daengz couh guh, ndaej daxboh daxmeh doengzeiq le, gou umj duzbit Donzdonz, buet roengz lajlaeuz bae.

Duzbit gou Donzdonz daengz ndang bwnhenj, miz fouq da iqet lumj naed caw nei, mwh de angq, couh aj aen bak bejbetbet de gaga dwk ciengq go, byaijroen hwnjdaej, faj din iq lumj mbawraeu haenx bek youq gwnz deih yiengjbaba.

Ngamq okbae daengz rog laeuz, Donzdonz couh iet hoz doeng yawj sae yawj. De bi swix bi gvaz gaen youq baihlaeng gou, seiz mbouj seiz hemq gaga. Caengz byaij bae geijlai gya, couh miz geij boux nyezdoh yawjraen Donzdonz, hula doq humx gvaqdaej: "Yawj ha, bitlwg! Caen dwggayez ya!"

Couhlien doengh boux daxau daxnax youzbyaij haenx cungj dingz roengzdaej, aeu soujgih itmienh gaep itmienh riu: "Caen dwg baez daih' it raen vunz daiq duzbit daej youzlangh!"

Byaij yaep he le, dou daej daengz henz daemz. Raen daengz



raemx ndaw daemz fubfub febfef, Donzdonz mbe fwed bekbek geij baez, gaga heuh dwk, budung sing ndeu diuq roengz raemx bae. Aiya, gou lijcaengz son Donzdonz youzraemx ne, de mbouj siujsim deng saekndaek baenzlawz guh? Gou cingq simgip, mbouj siengj daengz duz bitlwg neix

buba buba cak song baez, couh onjdwtdwt youz okbae lo. Yawj gij yiengh neix, duzbit sengcingz couh rox youzraemx ya! De yaep ndeu ndaem haeuj ndaw raemx, yaep ndeu iet hoz coh gou heuhgaga, lumjbaenz caeuq gou gangj: "Mwngz yawj, gou leixhah ba!" Youz baeg le, de lumj aen ruz iq

nei youz ma henzhamq, saeujsaeuj gij bwn mbaeqmbatmbat gwnz ndang, doq boemz youq gwnz diegnywj dak ndit. Gou hix buenx de dak ndit. Gij yienghceij de haepda dak ndit caen dwggayez!

Diuzroen ma ranz, ginggvaq benj diegnywj ndeu, miz duz mbaj henj ndeu youq diegnywj mbinfoux. Donzdonz raen le, ngauznged ngauznged buet gvaqbae, vadvad doiq fwed iq de, hemqgaga, lumjbaenz dwg naeuz: "Vaiq dingz roengzdaej caeuq gou guhcaemz!" Raen duzmbaj yied mbin yied sang, gou ganjvaiq heuh de: "Bit huk ha, gaej gyaep lo, mwngz gyaep mbouj dawz law!" Duzbit mbouj fugheiq dwk ngeng gyaep coh gou heuh coenz ndeu, nyex gyaep yawj duzmbaj yied mbin yied gyaep haenx, youh yawjyawj gou, gyaep duiq hoz unq riengz gou ma ranz lo.

Ngoenzneix, Donzdonz daiq hawj gou haujlai angqyangz caeuq doeksat. Gou naebsim, gvaqlaeng gou lij yaek daiq de lai bae gizwnq, lailai louz roengz gij dauqngeix gyaunde!

(Liuz Yijcwngz raiz
Lij Siulingz hoiz)

Bouxvunz Youq Ndaw Sim Haenx



Ndaw sim gou, miz bouxvunz youh lujlaj youh ndiepgyaez gou ndeu youq de, bouxde couh dwg daxboh gou. Youq ndaw saedceij bingzciengz, de buenx gou hawj gwnz loh majhung gou cungj raeujrubrub.

Geiq ndaej ngoenz haihag daih' it, gou caeuxcaeux sousib ndei doxgaiq, daxboh gangj caenlili naeuz haengdingh dawzseiz soengq gou bae hagdangz, yienghneix, gou muenghngwdngwd ndwn youq laj gofaexgeq bakhaw caj de. Gofaexgeq hungmaengh, gwnz go naengfaex cungj dwg raiz geq raiz gaeuq, gou ndwn youq laj raemhfaex, yaep youh yaep ngaem gyaep yawj soujbyauj, ndaw sim cungj angq dwk naemj hageiz moq, ndwenngoenz moq yaek miz gij saeh ndei haenx. Seizgan baenz faen baenz miux gvaqbae, bakhaw baenzlawz cungj mbouj raen gij ngaepz sug daxboh haenx. Gou hainduj simgip seiqcawq muengh, ndaw sim luenh dangqmaz. Couh youq seiz gou siengj mbouj caiq cajdeq de, gyaq ci sugnaj ndeu cij daej daengz

baihnaej gou. Daxboh gipmuengz roengz ci, najgaej dwk naeuz, aenvih sibgvenq, de gingqyienz hai ci bae danhvei, bae daengz byonghloh seiz fwt siengj daengz gou lij youq bakhaw caj de. Seizhaenx, caenhguenj gou miz di ndatheiq, hoeng yawjraen gij yiengh najgaej de, sojmiz gij mbouj dawzhoz haenx hix hoenz siu fwj sanq lo. Dou doxcim le riu lo. Yienznaeuz ngoenz haihag daih' it nguhaengz lo, hoeng faenh daxboh dahlwg song vunz doxrox doxnyienh haenx, cix hawj haet haenx bienqbaenz gig raeujrub youh miz eiqsei.

Lijmiz baez ndeu, gou youq hagdangz mbouj siujsim dwk aen soujbyauj doek, simgaek dangqmaz lwnh daxboh nyi. De mboujdan mbouj ndaq gou, dauqfanj sikhaek daiq gou youh bae cawx aen cinwngz soujbyauj moq ndeu. Youq ndaw diemq, de doq hozunq son gou baenzlawz yacaij soujgih yonjgen, doq gangriju naeuz: "Mwngz fwngz menh din nguh, caen dwg bouxngawz iq dahraix!" Yienznaeuz ndaw vah daiq miz loenghriu, hoeng gou hix gamjsouh daengz faenh gyaep daxboh dijbauj haenx. Seizhaenx gou daep hwnj soujbyauj moq, lumjnaeuz hix daep faenh gyaepzmaej caeuq maqmuengh daxboh naekgywdgywd haenx, gamjsouh daengz gyaepzmaej duh daxboh lumj raemx raeuj lae haeuj ndaw sim.

Daxboh gou couh dwg boux vunz yienghneix, de lujlaj seiz ciengzseiz hawj gou daej riu mbouj baenz, hoeng engq lai dwg gij saeh lumjnaeuz gig mbouj haeujsim haenx, cix yaenq youq ndaw sim gou laeglaeg bae, hawj gou engqgya insik moix diemj moix di gou caeuq daxboh doxndiep doxbuenx raeujrub haenx.

(Cungh Fanghginj raiz
Lingz Hinghningz hoiz)



Heiqgiuz

□Cungz Gojvinz

Heiqgiuz mbin ha mbin,
Mbin gvaq doenghnaz,
Mbin gvaq dingjbya,
Mbin gvaq ranzmbanj,
Mbin daengz ndaw fwngz gou.

Gou yien de,
De cungj mbouj dingqgangj,
Yaep ndeu mbin bae naj,
Yaep ndeu mbin dauq laeng,
Couhlumj laeq nyez manzgyaengq nei.